

## Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris  
Angelici Ordinis Prædicatorum**

Secvndæ Secvndæ Partis Volumen Secundum

**Thomas <von Aquin, Heiliger>**

**Romae, 1619**

De filiabus eius. 8

**urn:nbn:de:hbz:466:1-38762**

Ad primum ergo dicendum, quod virtus perficitur secundum rationem. Vitium autem perficitur secundum inclinationem appetitus sensitivorum. Non autem ad idem genus principaliter respicit ratio, & appetitus sensitivus. Et ideo non oportet, quod principale vitium opponatur principali virtuti. Vnde licet liberalitas non sit principalis virtus, quia non respicit ad principale bonum rationis: auaritia tamen est principale vitium, quia respicit ad pecuniam, quae habet quandam principalitatem inter bona sensibilia, ratione iam \* dicta. Prodigalitas autem non ordinatur ad aliquem finem principaliter appetibilem, sed magis videtur procedere ex defectu rationis. Vnde \* Philosophus dicit in 4. Ethicor. quod prodigus magis dicitur yanus, quam malus.

Ad secundum dicendum, quod pecunia ordinatur quidem ad aliud sicut ad finem. In quantum tamen utilis est ad omnia sensibilia acquirenda, continet quodammodo virtute omnia. Et ideo habet quandam similitudinem felicitatis, ut \* dictum est.

Ad tertium dicendum, quod nihil prohibet vitium capitale interdum a quibusdam alijs oriri, ut \* dictum est: dum tamen ex eo alia vitia soleant plerumque oriri.

## ARTIC. VIII.

Vtrum proditio, fraus, fallacia, periuria, inquietudo, violentia, & contra misericordiam obdurate, sint auaritiae filie?

**A**D octauum sic proceditur. Videtur, quod non sint auaritiae filie, quae dicuntur, scilicet proditio, fraus, fallacia, periuria, inquietudo, violentia, & contra misericordiam obdurate. Avaritia enim opponitur liberalitati, ut \* dictum est. Proditio autem, fraus, & fallacia, opponuntur prudentiae, periuria religioni, inquietudo spei vel charitati, quae quietit in amato, violentia opponuntur iustitiae, obdurate misericordia. Ergo huiusmodi vitia non pertinent ad auaritiam.

T. 4 Q. 2 Præ-

in co. ar.

l. 4. c. 1. 4  
med. t. 5.

in co. ar.

\* q. 36. a.  
4. ad 1. et  
1. 2. q. 84  
ar. 4.

603

sup. q. 55.  
a. 8. Et 2  
d. 41. q. 2  
art. 2. Et  
mal. q. 8.  
a. 1. co. et  
q. 13. a. 3  
\* art. 3.

¶ 2 Præterea, Proditio, dolus, & fallacia, ad idem pertinere videntur, scilicet ad proximi deceptionem. Ergo non debent enumerari tanquam diuersæ filia avaritiae.

¶ 3 Præterea, Isidor. ponit nouem filias, videlicet mendacium, fraus, furtum, perjurium, & turpis luci appetitus, falsa testimonia, violentia, inhumanitas, rapacitas. Ergo prima assignatio filiarum sicut insufficiens.

\* 1.4.c.1.  
declinan  
do ad fi.

¶ 4 Præterea, \* Philosophus in 4. Ethicor. ponit multa genera vitiorum pertinentium ad avaritiam, quam nominat liberalitatem, videlicet parcus, tenaces, chimibiles, liberales operationes operantes, & de meretricio pastos, & usurarios, aleatores, & mortuorum spoliatores, & latrones. Ergo videtur, quod prædicta enumeratio sit insufficiens.

¶ 5 Præterea, Tyranni maximè violentias subditis inferunt. Dicit autem \* Philosophus ibidem, quod tyrannos ciuitates desolantes, & sacra prædantes non dicimus illiberales, id est, auaros. Ergo violentia non debet ponи filia avaritiae.

1.31.c.31. S E D contra est, quod \* Gregor. 31. Moral. assignat avaritiae filias prius enumeratas.

R E S P O N D E O dicendum, quod filiae avaritiae dicuntur vitia, qua ex ipsa oriuntur, & præcipue secundum appetitum finis. Quia verò avaritia est superflius amor habendi diuitias, in duobus excedit. Primo enim superabundat in retinendo. Et ex hae parte oritur ex avaritia obduratio contra misericordiam: quia scilicet cor eius misericordia non emollitur, vt de diuinitijs suis subueniat miseris. Secundo, ad avaritiae pertinet superabundare in accipiendo. Et secundum hoc avaritia potest considerari dupliciter. Vno modo secundum quod est in affectu: & sic ex avaritiae oritur inquietudo, in quantum ingerit homini solitudinem, & curas superfluas. Avarus enim non implebitur pecunia, vt dicitur Eccles. 5. Alio modo potest considerari in effectu. Et sic in acquirendo aliena, vtitur quandoque quidem vi, quod pertinet

ad

ad violentias: quandoque autem dolo. Quod quidem si fiat in verbo, erit fallacia quantum ad simplex verbum: perjurium autem, si addatur confirmatio iuramenti. Si autem dolus committatur in opere, sic quantum ad res, erit fraus: quantum autem ad personas, erit proditio: ut patet de Iuda qui ex auaritia prodidit Christum.

Ad primum ergo dicendum, quod non oportet filias alicuius peccati capitalis ad idem genus vitij pertinere: quia ad finem vnius vitij, possunt ordinari etiam peccata alterius generis. Aliud est enim peccatum habere filias, & peccatum habere species.

Ad secundum dicendum, quod illa tria distinguntur, sicut \* di&um est.

Ad tertium dicendum, quod illa nouem reducuntur ad septem praedita. Nam mendacium & falsum testimonium continentur sub fallacia. Falsum enim testimonium est quædam specificatio mendacij, sicut & furtum est quædam specificatio fraudis: vnde sub fraude continetur. Appetitus autem turpis lucri pertinet ad inquietitudinem. Rapacitas autem continetur sub violentia, cum sit species eius. Inhumanitas autem est idem quod obduratio contra misericordiam.

Ad quartum dicendum, quod illa quæ ponit Arist. sunt illiberalitatis vel auaritiae species, magis quæ filii: potest enim aliquis dici illiberalis, vel auarus, ex eo quod deficit in dando: & si quidem parum det, vocatur parcus: si autem nihil, tenax: si autem cum magna difficultate det, vocatur chimibilis, quasi chimini venditor: quia de paruis magnam vim facit. Quandoque autem aliquis dicitur illiberalis, vel auarus: quia excedit in accipiendo. Et hoc dupliciter. Vno modo, quia turpiter lucratur, vel vilia & seruilia opera exercendo per illiberales operationes: vel quia de aliquibus vitiosis actibus lucratur, sicut de meretricio, vel de aliquo huiusmodi. Vel quia lucratur de eo, quod gratis oportet concedere: sicut visurarij. Vel quia lucratur parua cum magno labore. Alio modo, quia iniu-

*in corpora  
re art.*

\* chim  
nopolis  
chimno  
priftis.

666 QVÆST. CXIX. ART. I.  
iniustè lucratur , vel viuis vim inferendo , sicut latro-  
nes : vel mortuos spoliando , vel ab amicis auferendo ,  
sicut aleatores .

Ad quintum dicendum , quòd sicut liberalitas est  
circa medioçres pecunias , ita & illiberalitas . Vnde  
tyranni qui magna per violentiam auferunt , non di-  
cuntur illiberales , sed iniulti .

QVÆST. CXIX.

*De prodigalitate , in tres articulos divisæ .*

D Binde considerandum est de prodigalitate .

D ¶ Et circa hoc queruntur tria .

¶ Primo , vtrum prodigalitas avaritiae opponatur ?

¶ Secundo , vtrum prodigalitas sit peccatum ?

¶ Tertio , vtrum sit grauius peccatum , quam aua-  
ritia ?

ARTIC. I.

*Vtrum prodigalitas opponatur avaritiae ?*

A D primum sic proceditur . Videtur , quòd prodi-  
galitas non opponatur avaritiae . Opposita enim  
non possunt simul esse in eodem . Sed aliqui sunt si-  
mul prodigi , & auari . Ergo prodigalitas non oppo-  
nit avaritiae .

¶ 2 Præterea , Opposita sunt circa idem . Sed aua-  
ritia , secundum quod opponitur liberalitati , est circa  
passiones quasdam , quibus homo afficitur ad pecu-  
niam . Prodigalitas autem non videretur esse circa ali-  
quas animæ passiones : non enim afficitur circa pecu-  
nias , nec circa aliquid aliud huiusmodi . Non ergo  
prodigalitas opponitur avaritiae .

¶ 3 Præterea , Peccatum principaliter recipit spe-  
ciem à fine , ut supra \* habitum est . Sed prodigalitas  
semper videretur ordinari ad aliquem finem illicitum ,  
propter quem sua bona expendat , & præcipue pro-  
pter volupiates Vnde & Luc. 15. dicitur de filio pro-  
digo , quòd dissipavit substantiam suam , luxuriose  
viuendo . Ergo videretur , quòd prodigalitas magis op-  
ponatur temperantiae , & insensibilitati , quam aua-  
ritiae & liberalitati .

SED